



Inatsisartunut ilaasortaq
Andreas Uldum, Demokraatit

maani/

§ 37 naapertorlugu tusagassiuutit pillugit nassuiaat: "Tusagassiuutit nukittuut" pillugit apeqqummut akissut

Inatsisartut suleriaasianni § 37 naapertorlugu Tusagassiuutit pillugit nassuiaat 2010-meersoq: "Tusagassiuutit nukittuut" pillugit Naalakkersuisunut apeqqutinnut matumuuna akissutit nassiunneqarput:

15. juli 2011
Sagsnr. 2011-048176
Dok. Nr. 666238

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: in@nanoq.gl
www.nanoq.gl

Aallaqqaasiut:

Naalakkersuisut apeqqutinnut ataani tullerriaarlugit akineqartunut qujapput.

1) Tusagassiuutit pillugit suleqatigiinni inuttaasut tamangajammik nuna tamakerlugu tusagassiuutini sulisuupput. Pissutsit taamaannerisa imatut aperiumalersippaanga:

- a. Naalakkersuisut isumaqarpat, tusagassiuutit pillugit suleqatigiit imatut kati-terneqarsimasut allaat qulakkeerneqarsinnaalluni tusagassiuutit pillugit nassuiaat illuinnaasiunngitsoq aamma nassuiaat arlaannaanulluunniit attuumassuteqanngitsunit suliatut taaneqarsinnaava? Akissummi saqqummerseqqunearpoq tusagassiuutit pillugit suleqatigiinni inuttaasussat toqqarneqalermata Naalakkersuisut isumaliutigisimasaat.

1.a-mut akissut:

Sulinermit tassani siunertaasimangilaq illuinnaasiunngitsumik arlaannaanulluunniillu attuumassuteqanngitsumik nassuiaasiortoqarnissaa. Nassuiaammittassani Naalakkersuisut kissaatigisimavaat nunatsinni tusagassiorfiit tusagassiuuteqarnermut tunngasuni inissisimanermik namminneq allaaserinninnissaat pineqartumilu siunissami ineriartortitsinissamat siunnersuuteqarnissaat.

- b. Suna pissutaava nuna allamiut immikkut ilisimasallit tusagassiuutit pillugit suleqatigiinnut ilaatinneqannginnerannut? Assersuutigalugu Assartuineq pillugu Isumalioqatigiisitani kiisalu Akileraartarneq aamma Tungiuineq pillugu Isumalioqatigiisitani immikkut ilisimasallit nuna allamiut annertuumik atorneqarput?

1.b-mut akissut:

Oqaatigineqareersutut nunatsinni tusagassiorfiit namminneq naliliinerisa tusarniarneqarnissaat siunertaasimavoq nassuiaammili allassimasutut sulinerup nalaa-
ni aamma nunatsinni tusagassiuutit pillugit suleqatigiissitameersut periarfissineqarsimapput Danmarkimi tusagassiuutit pillugit ilisimasalinnik assigiinngitsunik ataatsimeeqateqarnissamat.

2) *Suna pissutaava, tusagassutit pillugit nassuiaat aatsaat majip ulluisa 25-ani tamanut saqqummiunneqarneranut, piareerneqarsimagaluarmammi 2010-mi decemberip qaammataanili ? Kissaatiginngilara asuli akiinnartoqassasoq tamatumunnga kalaallisuunngortinneqarnera pissutaasimasoq. Nutsigassap taama annertunngitsigisup nutsernera qaammatini tallimanik sivisussuseqarsinnaanngilaq.*

2-mut akissut:

Nassuiaat 10. december 2010-mi danskisuunngorlugu tunniunneqarpoq, tusagassiuutit pillugit suleqatigiissitamiittut namminneq nutserinermik kukkunersiui-nermillu isumaginnikkumasimapput nassuiaallu 7. marts 2011-mi ataatsimiinnermi kalaallisuunngorlugu tunniunneqarpoq.

Marsip ulluisa 14-ianni suliaasaqarfiit allanngortinneqarput, Kultureqarnermut Ilageeqarnermullu tunngasut Ilaqutariinnermut Naligiissitaanermullu suliaasaqarfimmut nuunneqarlutik.

Aprilip ulluisa aqqaneq aappaanni Naalakkersuisut nassuiaammut qujassuteqarput Inatsisartunullu ingerlateqqillugu, tusagassiorfinnut nalunaarusiaq naammasineqarpoq nassuiaallu www.nanoq.gl –imut ikkunneqariaannanngorluni. Tusagassiuutit pillugit suleqatigiissitameersulli kissaatigisimavaat nassuiaat aamma naqiterneqassasoq taannalu tusagassiortunik katersortitsinermi tamanut saqqummiunneqarluni. Tamanna aatsaat 25. maj 2011-mi aqqissuunneqarsinnaasimavoq.

3) *Suliakkiinnermut atatillugu tunngavissat naapertorlugit Naalakkersuisut siunertarisimavaat tusagassiuutit pillugit nassuiaat 2011-mi Upernaakkut ataatsimiinnermi saqqummiunniarlugu. Nalunngisatsitulli tamanna qaangiutereerpoq. Naalakkersuisut taarsiullugu tusagassiuutit pillugit nassuiaat 2011-mi Ukiakkut ataatsimiinnermi saqqummiunniarpaat?*

3-mut akissut:

Sulineq aallartinneqarmat isumaliutaasimavoq nassuiaat ataatsimiinnermi saqqummiunneqarsinnaasoq. Nassuiaammilli tiguneqartumik atuaqqissaarnermi aalajangiunneqarsimavoq nassuiaat Inatsisartunut ilisimatitsissutitut nassiuunneqassasoq Naalakkersuisullu siunissami tusagassiuutit pillugit politikissaannut missi-ngiusiornerannut atorneqarluni. Sulinermi tassani pisariaqarsorineqarsimavoq suliami ingerlatallit soqutiginnittullu allat peqatigalugit nassuiaammi sammisat assigiinngitsut inassuteqaatinut isummertoqarsinnaalinnginnerani tulleriarilinninnermilu misissoqqaarneqassasut.

4) *Naalakkersuisut isumaqarpat, tusagassiuutit pillugit nassuiaammi suliakkiissutigineqartut tallimaat malilluarneqarsimasoq: "inassuteqaatit nalilersuinerillu piviusunngortinnissaannut atatillugu aningaasartuutit pillugit naatsorsuinerit saqqummiunneqassapput, takukkit immikoortut 1-miit 4-mut.*

4-mut akissut:

Naalakkersuisut aningaasaqarnikkut eqqornerusumik naatsorsuisoqarnissaa naatsorsuutigisimavaat. Tusagassiorfinnit oqaatigineqarpoq tamanna piffissaliussap iluani sulisussarititaasullu atorlugit ajornartoq.

5) Tusagassiutit pillugit nassuiaatip quppernerisa tallimaanni allaqqavoq: " piffissaq qaninnerusooq isigalugu sulinermi tuluit oqaasii atorneqalissapput, tamannalu aamma eqqarsaatigisariaqarpoq". Taamatut isumaqarnermut Naalakkersuisut isumaqataappat taamaassimappat Oqaatsit pillugit inatsimmi nunami maani kalaallit oqaasii pingaarnerunerarlugit allaqqasumut tamanna qanoq naapertuuttigaa?

5-imut akissut:

Namminersorlutik Oqartussat pillugit inatsimmi § 20-mi allassimavoq kalaallit oqaasii Nunatsinni pingaarnerusut, kiisalu oqaatsinut politiki pillugu Inatsisartut inatsisaanni nr. 7-imi, 19. maj 2010-meersumi erseqqissarneqarpoq oqaatsit pingaarnertut atorneqartut pisortani atorneqassasut.

Danskit oqaasii pisortani atorneqarsinnaapput, kiisalu pisariaqartinneqartillugu tuluit allamiullu oqaasii atorneqarsinnaapput.

Naalakkersuisut ilisimavaat tuluit oqaasiinik atuisinnaaneq nunatta nunarsuarmi oqatinut ammarnaruleriartornera peqatigitillugu pisariaqaleraluttuinnartoq. Tuluit oqaasii suliffeqarfippassuarni nunarpassuarnilu attaveqatigiinnermi sulinermilu atortutut atorneqarput, aamma tusagassiornerup silarsuaani.

Tamannali Nunatsinni kalaallisut pingaarnertut oqaaseqarnermut akerliorpasinngilaq.

6) Aviisit naqitat – nuna tamakkerlugu saqqummersartut - (AG og Sermitsiaq) akuttunngitsumik isornartorsuisarput oqarlutik Namminersorlutik Oqartussat sulisussarsiortillutik aviisini pineqartuni allagarsiinngippallaartarnerarlugit. Tusagassiutit pillugit nassuiaammii allaqqavoq innuttaasut pingajorarterutaannaasa Sermitsiaq atuartaraat, sisamararterutaannaasalu AG. Aviisit qanoq amerlatigisunit atuarneqartariaqarpat, Namminersorlutik Oqartussat isumaqalissappata aviisini pineqartuni marlunni sulisussarsiortluni allagarsiineq imminut akilersinnaasoq?

6-imut akissut:

Namminersorlutik Oqartussat aviisini taakkunani atorfinnik allagarsiisalermissaannut atuartartut qassiunissaannut piumasqaateqartoqanngilaq. Tusagassiorfigineqartut, taakku amerlassusaat allagarsiinerillu sunniutaat allagarsiinerup akianut sanilliullugit ingerlaavartumik naliliiffigineqartarput. Tamanna nunatsinni tusagassiorfinnut, suliaqatigiinnut saqqummersittakkanut, danskit tusagassiorfiinut allanullu atuuppoq.

Naalakkersuisut ilisimatitsissutigisinnaavaat maanna nuna tamakkerlugu aviisiami Sermitsiami AG-milu atorfinnik allagarsiussaqaarmat. Tusagassiorfiup Sermitsiaq.AG-p aamma Aningaasaqarnermut Sulisoqarnermullu Aqutsisoqarfiup akornanni 15. marts 2011-mi tunngaviumik isumaqatigiissuteqartoqarpoq. Isumaqatigiissut quppernerup affaanik 80-inik Sermitsiami 20-riarluni AG-milu 20-riarluni allagarsiussisarnissamut agguataarsimasunut atuuppoq 31. december 2011-llu tungaanut atuulluni.

7) Qupperneq 12-13-mi KNR pillugu tusagassiutit pillugit suleqatigiisiat inassuteqarput. Tamatumunnga atatillugu makkunangga apeqqutissaqarpunga:

a. Naalackersuisut isumaat naapertorlugu KNR-i suliffeqarfittut aningaasaateqarfingortinnissaa sunik iluaqutissartaqarpa? Tassunga ilanngullugu Naalackersuisut qinnuigineqarput nassuissagaat, allanngortitsinikkut innuttaasut isiginnaagassaat qanoq qulakkeerneqarsinnaanersoq?

7.a-mut akissut:

KNR-ip suliffeqarfittut aningaasaateqarfingortinneqarnissaa naapertuutissanersoq tamatumalu qanoq iluseqartinneqarnissaa suli nalunarpoq. Maannamut taamaallaat inatsisitigut allaaserineqarsimavoq tamanna assigiinngitsorpassuartigut pisinnaasoq, sullissiveqarfiup aningaasaqarnikkut inissisimaneranik malittarinittariaqarnerup qanoq pisariaqartinneqartiginera apeqqutaatillugu.

Aallakaatittakkanik qularnaarineq (aallakaatitassiat sorliit allanit "pitsaanerunerannik" suup, kia isumaqarnera apeqqutaatillugu) allannguinnikkut qularnaarnerarsinnaanngilaq. Taamaattorli Naalackersuisut nunatsinni tusagassiorfinnit oqaatigineqartunik paasinninnerat naapertorlugu tamanna KNR-imi sulinermut atugassarititaasut pitsaanerpaatinneqarnissaannut tunngavoq.

- b. KNR-imut aningaasaliissutigineqartartut Aningaasanut Inatsisip suliarineqartarneranit kaanngartinnissaa Naalackersuisut qanoq isumaqarfigaat?

7.b-mut akissut: Naalackersuisut suli isumaqarput KNR Nunatsinni Public Serviceqarfiussasoq, inuiaqatigiinnut tamarmiusunut nalinginnaasumik pisussaaffeqarfiusumik, pisortanit aningaasaliiffigineqartarnikkut inuiaqatigiinni sumiluunniit atorineqarsinnaalluni.

"KNR-imut aningaasaliissutigineqartartut Aningaasanut Inatsisip suliarineqartarneranit kaanngartinnissaa"-ni pineqarpat ukiuni arlalinni tapiissuteqartoqartarnissaa Inatsisartunut inassutigineqassasoq, tamanna Naalackersuisunit isummerfigineqanngilaq.

Aningaasanut inatsit naluneqanngitsutut ukiumoortumik aningaasaliissutit aallaavigalugit aaqqissuunneqartarput, nunatsinni aningaasaqarneq qajannartoq aqussinnaajumallugu.

- c. Tusagassiutit pillugu suleqatigiisitat nassuiaatimi immikkoortoq 2-ani qupperneq 10-mi allapput KNR-imi siulersuisunut ilaasortat toqqarneqartartut politikkikkut partini sorlorni ilaasortaannerat tunngavigalugu, tamanna Naalackersuisut qanoq isumaqarfigaat, aamma Naalackersuisut qanoq ilillutik qulakkeerniarpaat, aningaasaqarnermut, aningaasalersuisunermut kiisalu tusagassiutinik atuinerup silarsuup sinneranut ammarnissaata ineriartortinnissaanut KNR-mi siulersuisut oqartussaaffeqalernissaat?

7.c-mut akissut:

Radioqarneq tv-qarnerlu pillugit inatsisip 1. januar 2005-imi atuutilersup allanngortinneqarneratigut KNR-imi siulersuisunik toqqaasarnermut malittarisassat allanngortinneqarput, taamaalilluni siulersuisunut ilaasortat politikikkut partiinit toqqarneqartarunnaarlugit.

Ullumikkut Naalackersuisut siulersuisunik toqqaasarput, soqutiginnittunit assigiinngitsunit inassuteqartoqarneratigut.

Misilittakkat paasinarsisissimavaat KNR-ip siulersuisui aningaasaqarneq, aningaasalersuineq nunanilu tamalaani tusagassiuuteqarnikkut ineriartortitsineq pil-lugu naleqquttumik piginnaasalinnik ilaneqarnissaat ajornakusoortoq. Tamanna siunissami siulersuisunik katiterinermi immikkut sammineqassaaq.

- d. KNR-p illumut tusagassiorfimmuut nutaanik teknikkikkut atortoqartumut siu-nissami nuunnissaa Naalakkersuisut qanoq isumaqarfigaat? Tamatumunnga atatillugu Naalakkersuisunut nassuiaqquneqarpoq illup tusagassiorfiup teknik-kikkut nutaanik atortoqartup qanoq akeqarnissaa naatsorsuutigineqarnersoq aammalu qanoq aningaasalersorneqarnissaa takorloorneqarnersoq?

7.d-mut akissut: KNR-imi naapertuutinningsunik ineqarneq, kiisalu ungasinneru-soq eqqarsaatigalugu aaqiisoqartariaqaleraluttuinnarnera Naalakkersuisut ilisi-mavaat. Tamatuma saniatigut periarfissaqartillugu taakku ataatsimoorussat ator-luarneqarnissaat Naalakkersuisut naapertuussoraat.

Ilimagineqarpoq teknikkut atortut taamatut pisoqarpat taarserneqartussaassasut, suliniutip qaqugu piviusunngortinneqarsinnaanera apeqqutaatillugu, taamaattorli ullumikkumiilli tv-mut atortut naapertuutinningsut ilisimaneqarpoq.

Tusagassiorfiup qanoq akeqarnissaa suli naatsorsorneqarsimangilaq. KNR-ip ilaatigut TV2 Østjylland assersuutiginiarsimavaa Nuummili tusagassiorfiup qa-noq akeqarnissaa oqaatigissallugu suli siusippallaarpoq. Assigiinningsut arlallit apeqqutaassapput. Aammattaaq aningaasalersueriaatsit assigiinningsuussapput, aamma namminersortut aningaasalersuisinnaallutik.

- e. Nunat allamiut TV-kanaliisa KNR-mit aqunneqarlutillu aallakaatinneqarta-lernissaannut innersuussuteqarnermut Naalakkersuisut qanoq isumaqarpat? Tamatumani Naalakkersuisut isumaqarnerlutik, innersuussut tamanna kiffaan-gissuseqarluni unammilleqatigiittussaataitanermut killilersungaanningsumillu niuersinnaatitaanermut naapertuuttoq aamma Naalakkersuisut uattulli anni-laanngatiginerlugu, nunat allamiut tv-kanalii innuttaasunut akisunerulerataan-naasut gulaani taaneqartut periarfissat peerneqaraluarpata?

7.e-mut akissut:

Tv-kanalinik tunisisarnerup eqikkarterneqarnissaanut Naalakkersuisut isummer-simangillat. KNR nuna tamakkerlugu sullissivittut suli isigineqarpoq. Radio-qarneq tv-qarnerlu pillugit Inatsisartut peqqussutaanni nr. 6-imi 14. novembari-meersumi § 29, imm. 4-mi allassimavoq akiliilluni isiginnaagassat KNR-ip aal-lakaatitaanut allanullu ilaanngitsut. Tamanna allanngortinneqassappat Naalak-kersuisut isumaqarput sorpassuit, kiisalu ataqatigiinnerit periutsillu arlallit misis-sorneqaaqqaartariaqartut.

Suliassaqarfimmuut tapiissuteqartoqassanersoq kiffaanngissuseqarluniluunniit u-nammilleqatigiissinnaanermut killilersugaanningsumillu niuersinnaatitaanermut akornutaassanersoq Naalakkersuisunit tamarmik immikkut naliliiffigineqartar-put.

Taamaattorli nunatsinni tusagassiornikkut ingerlatanut aningaasassatut pisaria-qartinneqaqisunik amerlanerusunik pissarsinissap siunnersuummi tunuliaqutaa-nera Naalakkersuisut ataqqivaat. Nunat allat kanaliinik tunisinermit isertitat nu-natsinni nammineq aallakaatitassiornerulissutaanissaat soorunami tamanut ilua-qutaassaaq. Taamaattorli ullumikkut akiliilluni isiginnaartagaqarnermi ingerlata-linnut amerlanerusunut tunngatillugu Nuuk TV kisimiippasippoq.

8) *Qupperneq 16-mi tusagassiutit pillugit suleqatigiisit nuna tamakkerlugu aviiisit saqqummersartut pillugit arlalinnik inassuteqarput. Tamatumunnga atatil-lugu makkunangga apeqqutissaqarpunga:*
a. Nuup avataani ullormiit ullormut naqitsisinnaasunik naqiteriveeqqanik peqalernissamut innersuussuteqarneq Naalakkersuisut qanoq isumaqarfigaat aamma naqiteriviit taakku sumut inissinneqarnissaat pillugu Naalakkersuisut qanoq takorluugaqarpat? Inissiiffissatut kissaatigineqartuni inissinneqassappata tamatumaa qanoq akeqarnissaa Naalakkersuisut qanoq taggippaat? Tamatumani Naalakkersuisut qinnuigineqarput inissiinermi aningaasartuutit kiisalu ataavartumik ingerlatsinermut aningaasartuutit kiisalu piffissap ingerlanerani nutaaliornissamut pisariaqartinneqartut qanoq aningaasalersorneqassanersut nassuiaqqullugit.

8-mut akissut:

Naqiteriveeqqat ullormit ullormut naqitsisinnaasut sumut inissinneqarsinnaanerannut isummertoqarsimangilaq, suliaasaqarfimmi ineriartorneq Naalakkersuisut malinnaaffigaat apeqqullu TELE-mut tusarniaassutigalugu, tassanngaanniit ima akissuteqartoqarluni:

TELE-POST Nuup avataani naqiteriveeqqat ullormit ullormut naqitsisinnaasut qanoq akeqarnissaat pillugu paasissutissaateqanngilaq. Aamma apeqqummi allasimangilaq taamatut aaqqiinissami tunisassiat sorliit atorneqarniarnersut.

TELE-POST-imit inerniliunneqaannarsinnaavoq Nuummi POD (naqiteriveeqqat) nunatsinni sullitassaqaarnerpaaffiusumi aviiisunik danskisuunik nunallu allamiut oqaasiinik atuiffiusunik tunniussisarnermut tunngatillugu teknikikkut niuernikkullu akuersaarneqarsinnaasumik tunngavissaqarsimangimmat.

9) *Qupperneq 20-mi tusagassiutit pillugit suleqatigiisit qarasaasiakkut tusagassiorneq pillugu inassuteqarput. Tamatumunnga atatil-lugu makkunangga apeqqutissaqarpunga:*

a. Aningaasanut Inatsit aqutigalugu aningaasalikkamik kikkut tamarmik akeqanngitsumik internetertalissappata tamanna qanoq akeqassava aamma inner-suummut tamatumunnga Naalakkersuisut qanoq isumaqarpat ?

9.a-mut akissut:

Innuttaasut internetersinnaaleriartuinnarnerat akillu appariartornerat Naalakkersuisut pitsaasutut isigaat. Internet akeerutissanersooq Naalakkersuisut isummerfigisimangilaat. Apeqqut TELE-mut nassiunneqarpoq internetillu akeqannginnissaa pillugu aningaasaqarneq tamatumalu kingunerisassai pillugit ima akissuteqartoqarluni:

2011-mi naatsorsuutigisat tunngavigalugit innuttaasut tamarmik akeqanngitsumik internetersinnaanissaat TELE-POST-imut 100 mio. kr.-inik annaasaqaataasangatinneqarpoq, ADSL-eqarluni internetersinnaaneq maanna atuuttoq akeqartitsinnginnermut ilaatinneqassappat. Tamatumunnga ilanngunneqassaaq MPLS internetimi, MPLS VPN-imi mobileqarnikkullu attaveqaateqarnermi (3G/UMTS-900 aamma GSM-900/GPRS) 90 mio. kr.-inik (2011) kaaviaartitani pitsaanngitsumik sunniuteqarnissaanik naatsorsuuteqarneq ilisimaneqanngitsoq, tassami interneteqarnermi tamani sullitat internetertariaasiat ataqatigiittorjussummata.

Erseqqissaatigineqassaaq akeqanngitsumik internetersinnaaneq ima atui-piloorfiutigilissangatinneqarmat maanna teleqarnermi naammassisinnaasat piffissap sivi-

kitsup ingerlanerani millioninik pingasunik kisitsisitalimmik annertusarneqartariaqassalluni. Tamatuma saniatigut innuttaasut sateleteqarfimmiittut eqqarsaatigalugit naammassisinnaasatigut immikkut ajornartorsiuteqarnissaq naatsorsuutigineqarsinnaavoq.

Ilimagineqartariaqarpoq aningaasalersuutit trådløsimik internetersinnaanerup annertusarneqarnerani aningaasalersuutaasut ADSL akeerutissappat ikilerujussuarnissaat.

- b. Illoqarfinni tamani trådløst netværk pilersinneqassappat tamanna qanoq akeqassavara aamma innersuummut tamatumunnga Naalackersuisut qanoq isumaqarpat?

9.b-mut akissut:

teknologiikkut periarfissat innuttaasut iliuseqarnissamut periarfissaannik annertusaataasut Naalackersuisunit pitsaasutut isigineqarput. Apeqqut TELE-mut suliaasaqarfimmik tamatumunnga isumaginnittuusumut tusarniaassutigineqarpoq imalu akissuteqartoqarpoq:

TELE-POST-ip 3G-mik annertusaanermut (UMTS-900) qarasaasianit angallat-takkanit smartphoeniillu sukkasuumik internetersinnaalissutaasumut, 2011-milu illoqarfinni Qaqortumi, Nuummi, Maniitsumi, Sisimiuni, Kangerlussuarmi, Aasianni Ilulissanilu ator neqalertussamut aningaasalersuineri 16 mio. kr.-it misaanniipput. Illoqarfiit sinnerisa ilanngunneqarnissaat maanna misilittakkat tunngavigalugit 10 mio. kr.-it missaannik akeqassanganneqarpoq. Sinnerisa annertusaavigineqarnissaat suli aalajangiiffigineqanngilaq.

- c. Tusagassiutit pillugit suleqatigiit innersuussutigaa, pilerisaarinerni nalunaaruteqarnernilu kalaallit tusagassiorfiit ator neqartassasut. Tamatumunnga atatillugu Naalackersuisut kalaallit tusagassiorfii qanoq paasivaat? Assersuutigalugu naammappa, Naalackersuisut namminneq tusagassaqartitsivitsik (www.nanog.gl) kisiat atortarpasuk imaluunniit pilerisaarutit nalunaarutillu pisortaneersut – akilimmik – kalaallit tusagassiorfiini allani saqqummersinneqartassappat?

9.c-mut akissut:

Kalaallit tusagassiorfiat atorfinnik allagarsiussisarnermut tunngatillugu tassaa-tinneqarpoq nutaarsiassanik paasissutissanilluunniit allanik siammarterisarfik Kalaallit Nunaanniittunut tunngatinneqartoq.

Kalaallit Nunaanni tjestemanditut atorfinnik allagarsiussisarneq pillugu nalunaarummi § 2 naapertorlugu tamanut allagarsiussisarneq taamatut allagarsiussinermik atuinikkut pisassaaq, tamanut allagarsiussinermut naleqqunnerpaasorineqartumik. Allagarsiussineq atorfiup suunera suliffissallu sumiiffia, kiisalu atorfiup suunera tunngavigalugu allagarsiussiffiginiarneqartut apeqqutaatillugit Nuna tamakkerlugu aviisitigut, najukkani atuagassiatigut allatulluunniit naapertuusorineqartutigit pisinnaavoq. Tamatuma kinguneraa atorfinitsitsisussap naliliiffigissavaa tusagassiorfiit sorliit tamanut allagarsiussinissamut naleqqunnerpaanersut. Taamatut naliliinermi innuttaasut tusagassianik malinnaariaasiannik, aamma tusagassiorfinnik nutaanik, soorlu internetimik atuisarnerannik ingerlaavartumik naliliisarneq ilaavoq.

Aningaasaqarnermut Sulisoqarnermullu Aqutsisoqarfiup Namminersorlutik Oqartussani atorfinitsitsinermit oqartussaasut nanoq.gl-imi atorfinnik allagarsius-sisarneq pillugu minnerpaatut piumasqaateqarfigai. Tamanna sulisussarsiorner-mut tunngasunut suliffeqarfimmi nalunaarsukkani allassimavoq. Qinnuteqariaat-sit nakkutiguarneqarnerat tunuliaqutaralugu Naalakkersuisut naliliipput nanoq.gl tassaasoq nunatsinni innuttaasut amerlanersaasa iserfigisinnaasaat, kiisalu nunat-sinni innuttaasunit Namminersorlutik Oqartussani atorfirmut soqutiginnittuusun-it amerlanerpaanit atorneqartartoq. Taamaattumik Naalakkersuisut naliliipput allagarsiu-sat nanoq.gl-ip saniatigut allatigut pinngitsooratik saqqummiunneqar-tariaqanngitsut.

10) Tusagassiutit pillugit suleqatigiit innersuussutigaat, nunami namminermi filmiornermut videoliornermullu pisortat tapiissuteqartalissasut. Tamatumun-ga innersuummut Naalakkersuisut qanoq isumaqarpat?

10-mut akissut:

Ukiuni arlalinni aningaasanut inatsimmi filmiornermut videoliornermullu ani-ngaasanik immikkoortitsisoqartarpoq. Ilaatigut filmiornermut toqqortavittut i-laatigullu kulturimut tapiissuteqartarnerit aqqutigalugit qinnuteqarnikkut tapiis-sutitut, kiisalu najukkami tv-qarfinnut tunisassiornermut tapiissutitut.

Ukiuni marlussunni kingullerni nunatsinni filmiortarnerit amerliartorsimapput, siunertamut tamatumunnga aningaasaliissutit aamma amerlisinneqarsimapput, Naalakkersuisulli ilisimavaat pisariaqartitsineq aningaasaliissutinit annerusoq.

11) Namminersorlutik Oqartussat 2010-mi qanoq annertutigisumik kalaallit nu-na tamakkerlugu tusagassiorfiinnut tapiissuteqarpat? Akissummi Aningaasanut Inatsit aqqutigalugu tapiissutit erserseqquneqarput taamatullu aamma nalunaa-ruitit assigisaallu aqqutigalugit toqqaannangikkaluamik tapiissutit qassiuner-sut?

11-mut akissut:

Nuna tamakkerlugu tusagassiorfiinnut tapiissutinut Namminersorlutik Oqartussat *Aningaasanut Inatsit aqqutigalugu toqqaannartumik tapiissutinut* 2010-mi ima atuipput:

Kultureqarnermut Naalakkersuisoqarfimmit uunga:	KNR	59.822.000 kr.
” ” ” ” ”:	Film	1.500.000 kr.
Kulturimut aningaasaliissutitigut katillugit uunga:	Film	511.400 kr.
Siulittaasup Naalakkersuisoqarfianit uunga:	Aviisit	1.500.000 kr.
Katillugit:		<u>63.333.400 kr.</u>

Tamatuma saniatigut Ineqarnermut, Attaveqarnermut Angallanermullu Naalak-kersuisoqarfiup kontuani 73.01.05-imi, Kalaallit Nunaanni TV-kkut radiukkullu aallakaatitanik siammarterineq, AI10-mi uunga 26.800 mio. kr.-it immikkoortin-neqarsimapput: TV-kkut radiukkullu kanaliniq aallakaatitsineq, DVB-T-kkut aal-lakaatitsissutinik siammarterissutaasunik ingerlatsineq, DR TV-p signalianik nuussineq, FM-ikkut radiup signalianik siammarterineq, kiisalu TV-kkut radiuk-kullu siammarterinermit ilisimasaniq ineriartortitsineq, aamma aallakaatitsis-summut nutaamut nuussineq pillugu siammarterineq.

- 'toqqaannangitsumik tapiissutini allagarsiussineq, allallu aqqutigalugit:
1.609.500 kr.-it nuna tamakkerlugu tusagassiorfinni atorfinnik allagarsiussiner-
mut.

Nunatsinni avataanit tusagassiorfituaq piffissami tassani atorfinnik allagarsiussi-
sartoq tassaasimavoq tusagassiorfik Sermitsiaq.AG.

Inussiarnersumik inuulluaqqusillunga


Mimi Karlsen